

ԱՐԴԵ
Ք՝ ՅԱԴ
ԱԻԹ
Ս ՅԻՇ
ԷՔ Ի ՔՍ:

Ծանոթ. Գրերը թեև խոշոր են, սակայն քարի անկոկ մակերեսին պարզ չեն երևում, ուստի հիշատակագիրն էլ լրիվ չի պարզաբանվում: Մանավանդ որ սկիզբը չի կարդացվել:

Ի դեպ, գյուղամիջի «Ագեղցի» մատուռ-սրբատեղիի մեջ պահպանվում է քառակող կոթողի բեկոր՝ երկաթագիր արձանագրությամբ, որը լուսանկարից չի ընթերցվում:

542. ԿՈԹՈՂ. «Ագեղցի» մատուռում, դժվարընթեռնելի:

ՄԲ ԽԱՉՍ ԲԱՐԵՆՄԻՄ Է ... ԱՎԵՏԻՍ ԵՒ ԽԱԹՈՒՆ ... :

Ծանոթ. Մատուռը միանավ փոքր սրահ է գյուղի մեջ, կիսավեր, կիսաշրջան խորանով. ներսում խաչաբեկորներ: Երկմտանքով կարդացվում է.

Ա Խ Թ Ա Լ Ա

Պատմական եղելություններին քաջագիտակ մատենագիրներ Կիրակոս Գանձակեցու և Ստեփանոս Օրբելյանի երկերում, ինչպես և ձեռագրաց հիշատակություններում այս վայրը ընդերկրյա հարստությունների շնորհիվ վաղուց ի վեր կոչվել է Պղնձահանք, իսկ հոգևոր կենտրոնը՝ Պղնձահանքի վանք, ավելի ուշ՝ Ախթալա:

Ջալալյանցի լսածով՝ ոմն վարդապետի անեծքով. «Ուխտաւորեալ բնակիչք մեռան հետ զհետէ և ուստի անուանեցաւ Ախտալի»,⁴¹ ասել է թե՛ ախտերով, հիվանդություններով լի:

Այս և մի քանի հավանական այլ ստուգաբանությունների թվում գուցե թե նախընտրելի է *աղթալա*՝ սպիտակ բացատ մեկնությունը, եթե անտեսենք ծծմբաթթվին հարող առնչումը:

Բնակավայրը հիշվում է նաև Սալէնձահան անվամբ: Այսպես, 1227թ. Գրիգոր Նյուսացու «Ժողովածու գործոց» աշխատությունն արտագրող Սիմէոն գրիչը հայտնում է, թե այն գրել և ավարտել է «յերկիրս Յայոց, մերձ ի Լաւռէ, ի վանքն, որ կոչի Սալէնձահան, ընդ հովան և Սուրբ [Աստուած]ածնին, յիշխանութիւն Իվանէ աթապագին՝ շինողի վանիցս, զոր երկար ժամանակ արասցէ Տէր, որդովք հանդերձ»:⁴²

Ինքնին կարևոր է անվան *Սալէնձահան* = *Պղնձահանք* տարբերակը⁴³ և այն, որ համարվում է *մերձ ի Լաւռէ*, և դեռ կենդանի էր եկեղեցին կառուցող Իվանէ Աթաբեկը:

Յայ և վրաց պատմական որոշ սկզբնաղբյուրների համաձայն, Ախթալան սկզբնապես կոչվել է Ագարակ, ժՔ դարի վրաց տարեգրի վկայությամբ՝ ճոճկանի ծորից «դեպի հյուսիս գտնվում է Ագարակի եկեղեցին... զմբթավոր, մեծակառույց այժմ կոչվում է Ախտալա»:⁴⁴ Դավիթ Քոբայրեցին, մանրամասնելով 1177 թ. իրադարձությունները, գրում է, որ սպարապետ Իվանէ Օրբելյանը մերձավորների և իր խնամակալությունը վայելող, իրավագրկված թագաժառանգ Դեմնային «Բերեալ յԱգարակ դղեակ»՝ հուսալով ամրոցի և նրա հանդեպ գտնվող «զանառիկն *Կայան* և *զԿայծոն*» բերդերի վրա, որոնք գտնվում են Ագարակի հանդեպ: Այն բանից հետո, երբ Թիֆլիսի ամիրապետ Քուրդ Արծրունին միացավ թագավորին, ծանր կացության մեջ ընկնող Իվանեն իր նոսրացող ուժերով, «որդովքն և կնան, և ամենայն աղխիւն գայ մտանէ յանառիկն Լաւռէ»:

⁴¹ *Ս. Ջալալյանց*, Ա, էջ 85:

⁴² Յայերեն ձեռագրերի հիշատակարաններ, ժԳ դ., կազմեց Ա.Ս. Սաթևոսյան, Եր., 1984, էջ 154:

⁴³ Գուցե զՊղէնձահան – զՊղէնձահա՞ն:

⁴⁴ *Պարույր Սուրադյան*, Յայաստանի վրացերեն արձանագրությունները, էջ 200 (Ծանոթագրություն):

Չեռնոցնելի է, որ Ազարակը միայն Ախթալան կարող է լինել, որի հանդեպ էին Հաղ-
բաստի Կայան և Շնողի Կայծուն ամրոցները, և այստեղից է Իվանեն սեկնել ու ամրացել
Լոռի բերդում: Ազարակը չի կարող ներկայիս Ստեփանավանի շրջանի նույնանուն
գյուղը լինել (որի տեղն ամրոց է Ստ. Օրբելյանի մոտ), քանի որ այն ոչ ամրոց ունի, ոչ
էլ ապարանք-դղյակ, ուստի Իվանեն պիտի պատուարվեր Լոռի բերդուն՝ ինչպես և
վարվեց հետո:

Պղնձահանքը, Ազարակը, Սալենձահանը Ախթալայի անուններն են՝ տրված տարբեր
հեղինակների կողմից՝ տարբեր ժամանակներում:

Ախթալայի ամրակուռ բերդն ու վանական համալիրը գտնվում են ՀՀ Լոռու մարզի
Երևան-Թբիլիսի երկաթգծի համանուն կայարանից 2,5 կմ հյուսիս-արևմուտք, Դեբեդի
ձախսափնյա կիրճերից մեկում, նույնանուն փոքրիկ ավանում:

Երեք կողմից դժվարամատչելի ուղղածից լեռնապատնեշներով, հյուսիսից բար-
ձրաբերձ պարիսպներով ներփակ հրվանդանի հարթակում կիսավեր պահպանվող այս
ամրոցի կառուցման ժամանակը Գ. Շախսկյանը համարում է ժ դարը, Կյուրիկյան թա-
գավորության սկզբնական ժամանակաշրջանը, թեև այդ մասին հաստատուն փաստա-
րկներ չեն ներկայացվում:⁴⁵

Համալիրի մոտեցման միակ ուղին հյուսիսից է, որտեղից բացվում է աշխարհիկ և հո-
գևոր շինությունների ողջ համայնապատկերը, ուր գերիշխում է ամրոցի կամարակապ
մուտքի առանցքներով դրված գլխավոր՝ Ս. Աստվածածին եկեղեցին, որը հավատացյալ
հույների կողմից կոչվում է Մէրամանի (Գ. Աղանյանց): Խոշորածավալ այս աղոթարանը
«Իր հորինվածքով գմբեթավոր բազիլիկ տիպից սերված տարբերակ է» համարում
ճարտարապետության դոկտոր Գ. Շախսկյանը:⁴⁶ Եկեղեցին արտաքուստ ու ներքուստ
ներփակված է ուղղանկյուն որմների մեջ: Արևելյան թևում գետնատարած կիսաշրջան
խորանն է՝ կողերին մեկական փոքր, կրկնահարկ ավանդատներով: Արևմուտքից
կցարկված է կամարակապ նախասրահ՝ հարավային հարակից *սենյակով*: Հյուսիսային
մուտքին հպված է մի վոքր սրահ, գուցեն՝ Իվանե Ջաջարյանի դամբարանը: Քանդա-
կազարդ երկու մուտքերը բացված են արևմտյան և հարավային ճակատներից: Տաճարի
ներքին մակերեսը ջլատված է երկու հզոր մույթերով, որոնցից խորանակողեր ձգվող
կամարային համակարգի վրա բարձրացել է թմբուկը: Ախթալայի Մարիամ Աստվա-
ծածին եկեղեցու թմբուկը մինչև գմբեթատակ գոտին, համաձայն Լալայանի վկայու-
թյան, «քանդուել է դարուս սկզբում» (1900 թ.) երկրաշարժից:⁴⁷

Եկեղեցին դրսից շարված է համակ սրբատաշ մեծածավալ բազալտե, ներսից՝ ճեղ-
քված անկանոն քարով ու տեղ-տեղ թրծած աղյուսով, որը սվաղվել է ամբողջովին և
պատվել Հին ու Նոր Կտակարանային սյուժեներով ճոխ ու բարձրարվեստ որմնանկար-
ներով, որոնք դասական արվեստի մնայուն արժեքներ են:

Ախթալայի Ս. Աստվածածին եկեղեցու պատերին արձանագրություններ չկան, և նրա
կառուցման ժամանակի խնդիրը հետազոտողների մոտ տարակարծություններ է հա-
րուցել: Պ. Մուրադյանը հենվելով վանքից 1 կմ հարավ-արևելք գտնվող Մարիամ Կյու-
րիկյանի 1188 թ. խաչքարի՝ *կանգնեցի զՊղնձահանացս Հողիատի սուրբ Աստվածա-*

⁴⁵ Գ. Շախսկյան, Լոռի, էջ 130:

⁴⁶ Նույն տեղում:

⁴⁷ «Ազգ. հանդ.», VII-VIII, էջ 429:

ծինս տեղեկատվության վրա, այն վերագրել է Ախթալայի Գլխավոր եկեղեցու կառուցմանը: Այս վարկածը դժվար է հիմնավորված համարել, քանի որ տվյալ դեպքում խոսքը վերաբերում է հենց խաչքարին և ոչ թե եկեղեցուն (որի մասին խոսք չկա, և ինչը նկատել է հենց ինքը Պ. Մուրադյանը) և ապա տրամաբանական պետք է համարել, որ սույն եկեղեցուն առնչվելու դեպքում խաչքարը կկանգնեցվեր տաճարի մոտ (որն ընդունված կարգ էր) և ոչ թե մի ուրիշ վայրում: Եվ ապա արձանագրության մեջ խոսքը գնում է ոչ թե շինություն կառուցելուն, այլ խաչքարը կանգնեցնելուն, և Հողահատի տեղում կանգնեցված Ս. Աստվածածինը հենց այս խաչքարի անունն է, ինչպես Տերունական, Ս. Սարգիս, Ամենափրկիչ և այլն:

Պղնձահանքի համալիրի տեղում Կյուրիկյանների կողմից կառուցված եկեղեցի է եղել, որ Իվանեն «գոր իւր շինեալ էր վանս վրաց, առեալ ի հայոց»:⁴⁸

Դատելով ոսկեհուռ մեծ խաչը Պղնձահանքից Նորավանք վերադարձնելու մասին Ստ. Օրբելյանի պատմության շարադրանքից՝ կարելի է պնդել, որ Ախթալայի Ս. Աստվածածինը գործում էր առնվազն 1216 թ.:⁴⁹ Հավանական է ընդունել, որ եկեղեցին կառուցել է Իվանե աթաբեկ Ջաքարյանը՝ 1215 թ. այն դարձնելով երկաթնակ քաղկեդոնականների հոգևոր-մշակութային գլխավոր կենտրոն,⁵⁰ և ուր հետագայում թաղվեցին ինքը՝ Իվանեն և որդին՝ Ավագը: Ամրոցի ներսում պահպանվում են սրահավոր փոքր եկեղեցին, երկհարկ ապարանքը, սեղանատունը, կացարանները, իսկ դրսում՝ զույգ եկեղեցիները, Բարսեղ, Գևորգ միանավ աղոթարանները, կացարանամերձ մատուռը, ամրոց-դիտակայանը և այլ ավեր ու կանգուն հուշարձաններ:

Ամրոցի մուտքը, վանքը և եկեղեցիները վերականգնվել են ՀՀ Պատմության և մշակույթի հուշարձանների պահպանության վարչության կողմից 1938-1988 թթ.:

Մեծ եկեղեցուն քաղումներ են կատարվել, ինչը խստագույնս արգելված էր միաբնակ հայերի ծիսակարգով: XIX դարում եկեղեցին ու նախասրահը վեր են ածվում քիֆլիսաբնակ Մելիքովների իշխանական տան մնջեցյալների հանգստարանի, ուր և մնում են վրացերեն ու ռուսերեն լեզուներով հիշատակագրված նրանց սալատապանները:

Արձանագրություններ կան գյուղի արևելակողմում գտնվող թաղածածկ փոքրիկ մատրան բարավորին և մի քանի խաչքարերի ու տապանաքարերի վրա: Հնագույնը Մարիամ իշխանուհու արձանագրությունն է, որն ունի 1188 թվականը, մնացածը վերաբերում է XIII դարին:

ԱԽԹԱԼԱՅԻ ՎԱՆՔ

543. Ս. ԱՍՏՎԱԾԱԾԻՆ ԵԿԵՂԵՑԻ. արսիդի հյուսիսային բնում, 1 տող.

ԷՓՄԷ:

Ծանոթ. Ներկայգիր այս մակագրությունը, թերևս, ԷԻՄԷՓ, ՀՈՎՄԷՓ, բացվել է որմնանկարի մաքրման-վերականգնման ընթացքում, ծեփի տակ, որտեղ նկատվել են մի քանի հայագիր անուններ՝ ներկաթափ և անընթեռնելի: Չափազանց կարևոր է, որ տաճարի հսկայածավալ որմնանկարների հեղինակները, այդ թվում Հովսեփը, եղել են հայ արվեստագետներ, որոնք իրենց անունները մայրենիով «ծածկագրել» են սվաղի տակ՝ թերևս հավատացած լինելով, որ դրանք ի հայտ կգան մի օր, ինչպես այս դեպքում:

⁴⁸ *Կիրակոս Գանձակեցի*, էջ 238:

⁴⁹ *Ստեփանոս Օրբելյան*, Պատմութիւն նահանգին Սիսական, Թիֆլիս, 1910, էջ 352:

⁵⁰ Երկնտելի է, որ Մարիամ Կյուրիկյանը ի գորու լինելը իրագործելու այսպիսի ծավալուն մի ձեռնարկում, և նրա հսկայական մակերեսները ծածկեր գունագեղ որմնանկարներով՝ խորշելով նաև քաղկեդոնիկ դավանության հավու մներից: